



Republika e Kosovës

Komuna e Drenasit

Kuvendi i Komunës



02 Nr. 060/04-28470 dt. 17.06 2022

PROCESVERBALI

I mbledhjes se rregullt të Kuvendit Komunal të Drenasit të Mbajtur më datë: **30.05.2022**

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 31 anëtarë.

Kuvendi filloi punimet më këtë :

Rend dite:

1. Procesverbali i mbledhjes së Kuvendit Komunal të dt.27.04.2022
2. Propozim Vendim për formimin e Komisionit Komunal të Aksionareve për Ndërmarrjen Publike "Pastrimi"
3. Propozim Vendim për nisjen e proceduarve për themelimin e Ndërmarrjes Publike Lokale, (NPL) në Drenas .
4. Njoftim për Qarkoren buxhetore 2023/01, MFPT dhe Qarkorja Interne e Komunës së Drenasit.
5. Propozim Vendim për rialokim të mjeteve në Drejtorinë e Shëndetësisë dhe Mirëqenies Sociale.
6. Propozim Vendim për ndërrimin e destinimit të tokës bujqësore në tokë ndërtimore.
7. Raport lidhur me mbarëvajtjen e projektit "Komuna për të rinjtë" në Komunën e Drenasit
8. Propozim Vendim për shfuqizimin e vendimeve 02 Nr.400/01-13247 dhe 02 Nr.400/01-13251,të datës 24.03.2022.
9. Të ndryshme.



Të hënën është mbajtur mbledhja e rregullt e Kuvendit të Komunës së Drenasit, ku për diskutim ishin 13 pika për rend dite.

Mbledhja është kryesuar nga kryesuesi i Kuvendit Komunal, Milaim Hajdari, ndërsa merrnin pjesë, kryetari i Komunës, Ramiz Lladrovci, nënkryetari Arben Shala, drejtor të drejtorive komunale, anëtarët e Kuvendit, përfaqësues të OSBE-së, Xhavit Drenori, Arben Nika, dhe një qytetar.

Para se të filloj seanca kryesuesi kërkoj një minutë heshtje me nderim për përvjetorin e rënies së Heronjve Rasim Kiqina dhe Ragip Halilaj, si dhe për ndarjen nga jeta të ish presidentit të Shqipërisë z.Bujar Nishani njëherit edhe qytetar nderi i Komunës së Drenasit.

Më poshtë ju elaborojmë pikat që janë diskutuar e miratuar me shumicë votash në mbledhjen e rregullt të Kuvendit të Komunës;

Kryesuesi i Kuvendit Komunal, Milaim Hadari- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal, ku theksoj se u shtua në rend dite Propozim-vendimi për Shfuqizimin e Vendimit Nr. 02-035-18372 të datës 27.04.2022 dhe Diskutimi i Raportit të Sistemit të Menaxhimit të Përformancës të vitit 2020 Drenasit.

Egzona Tërdevci, pati vërejte të rendi i ditës, propozim vendimet për rendin e ditës nuk po na sjellin me kohë, dhe propozim vendimet e fundit na janë dërguar me dt. 27.05.2022 pra vetëm tri ditë më para seances të rregullt duke pas parasysh që edhe kanë qenë ditë vikendi, po ashtu kur po ka shfuqizime të vendimeve bazuar në vendimet e MAPL-së gjithmonë është dashtë me na e sjellë edhe vendimin që e ka dhënë apo shkresa që e ka dhënë MAPL-ja në mënyrë që ta kemi të qartë se pse po shfuqizohen vendimet, po ashtu ti kushtohet një rendësi shtesë përpilimit të propozimeve që të mos kemi çdo seancë të paktën një vendim tonin të shfuqizuar po ashtu është shumë e rëndësishme për t'i kontribujmë transparencës të

publikohen në ueb faqen e komunës gjitha vendimet që dalin nga Kuvendi i Komunës si dhe vlefshmëria e tyre nga ana e MAPL-së, sepse e njëjta nuk është duke u bërë aktualisht.

Kryetari i Komunës Ramiz Lladrovci, çdo propozim vendim për shfuqizim të vendimit që e sjellë MAPL-ja jemi të detyruar me e sjellë në seancë brenda 30 ditëve, po të kalojnë 30 ditë ne mund t'i humbim grandin e performances, sepse nëse nuk i shfuqizojmë vendimet të cilat nuk janë në pajtim me ligjet.

Egzona Tërdevci, nuk është halli pse po i sjellin propozim vendimet për shfuqizim por neve po na duhet edhe shkresa që po ua dërgon ministria, ta dina edhe ne si asamblist se pse po shfuqizohet një vendim nuk mjafton vetëm arsyetimi pse MAPL-ja e ka kundërshtu, kërkoj që me na sjellë edhe shkesat e MAPL-së sepse të njëjtat nuk i gjejmë të publikuara në ueb faqen e komunës.

Kryetari i Komunës Ramiz Lladrovci, çdo vendim jemi të obliguar për ta publikuar edhe në ueb faqe, e keni propozim vendimin dhe arsyetimin e tij.

Labiot Halilaj, në propozim vendim tregon se për cilin shfuqizim të vendimin bëhet fjalë dhe në arsyetim e tregon arsyetimin se ku është në kundërshtim vendimi.

Drejtoresha për shërbime publike dhe emergjente-Lumnije Krapi, lidhur me vendimin që po diskutojmë kam kërkuar që ky vendim të jete valid deri në formimin e grupit konsulent që do të behet nga "Gizi" Gjerman për vlefshmërinë e planit të menaxhimit të mbeturinave kështu që ministria e ka paraparë të arsyeshme meqenëse është formuar grupi konsulent ka kërkuar që vendimi të shfuqizohet.

Pas diskutimeve që u dhanë kryesuesi hodhi në votim rendin e ditës së bashku me dy pikat shtesë të cekura më lartë, prezent gjatë votimit ishin 29 anëtar, **(Për)** votuan 29 anëtar, kundër nuk pati, abstenim nuk pati.

Kryesuesi i Kuvendit Komunal Milaim Hajdari, hapi diskutimin për pikën e parë të rendit të ditës: 1. **Procesverbal i mbledhjes të Kuvendit Komunal të dt. 24.03.2022.**

Egzona Tërdevci, në faqen e tetë të procesverbalit thuhet se për pikën e dytë prezent në seance kanë qenë 22 veta dhe 15 veta kanë votuar (për) kësaj pike, ne atë ditë kemi deklaruar se e lëshojmë sallën, nuk rrimë në këtë pike dhe nuk keni pas të drejtën me na numërua si kuorum; ju atë ditë keni tentuar me manipulua me vota për ta shfuqizuar vendimin e pikës dytë, me vetëm 15 asamblistë në sallë keni tentuar t'i paraqitni si 16 që kanë votuar manipulim ky i cili nuk ju ka lejuar as nga ne si opozitë po as nga vetë anëtari i grupit tuaj po ashtu tek faqe 11 të pika e pestë aktvendimi i vitit 1988 kur votohet propozimi i parë në seance thoni se janë 14 vota (për) 13 kundër dhe 1 abstenim pra i bije se janë 28 asamblistë në sallë prezent ndërsa në procesverbal e keni shkruar kanë qenë prezent 27 anëtar 14 kanë votuar (për) e 13 kundër, nga ajo që unë i kam evidentuar atë ditë kanë munguar 4 anëtar që i bie se kanë qenë 27 anëtar, a keni tentuar atë ditë me manipulua në numra e këtë me e rregullua në procesverbal apo cili është sqarimi juaj për këtë pjesë.

Kryesuesi i Kuvendit Komunal Milaim Hajdari- në asnjë mënyrë nuk do lejoj të bien gabime te tilla, këto munden me qenë gabime teknike, do ta përmirësojmë procesverbalin.

Mehedin Salihu, unë i kam bërë tri pyetje dhe është nxjerrë vetëm një koncept i asaj çka kam thënë dhe jo pyjet konkrete, as nuk ceket çka kam pyet dhe as nuk ceket përgjigjja.

Pas diskutimeve që u dhanë kryesuesi hodhi në votim procesverbalin e mbledhjes se kaluar, prezent gjatë votimit ishin 29 anëtar, **(Për)** votuan 14 anëtar, kundër 10 anëtar, 1 abstenim.

Kryesuesi i Kuvendit Komunal Milaim Hajdari, hapi diskutimin për pikën e dytë të rendit të ditës: **2. Propozim Vendim për formimin e Komisionit Komunal të Aksionareve për Ndërmarrjen Publike “Pastrimi”**

Drejtoresha për Sherbime publike dhe emergjente-Lumnije Krap, në bazë të ligjit për ndërmarrje publike neni 5 pika 5.2 ligji për ndërmarrje publike, kur një komunë është aksionare i një ndërmarrje publike lokale të drejtat e saj aksionare do t'i ushtroj një komision komunal i aksionareve i cili përbëhet nga një anëtar i emëruar nga Kryetari i Komunës dhe dy anëtar tjerë të emëruar nga Kuvendi i Komunës, për këtë qëllim komisioni komunal i shoqërisë aksionare ka të drejtë të veproj në emër të komunës përkatëse dhe duhet të veproj me ligjin për shoqëri tregtare. Duke u bazuar se anëtarët e legjislaturës paraprake meqenëse nuk kanë më mandat duhet të emërohen dy aksionar të ri.

Arbër Halilaj- po flasim për një komision të një ndërmarrje e cila sidomos vitin e fundit ka pasur përformancë të dobët në aktivitetin e saj ditor gjë që ka rezultuar me pakënaqësi dhe ankesa të shumta të qytetarëve. Para se të vendosim për propozim vendimin lidhur me formimin e komisionit komunal të aksionareve të ndërmarrjes publike “Pastrimi” i cili komision është shumë i rëndësishëm përderisa prej tij mbikëqyret nga ana e komunës puna dhe përformanca e bordit dhe e ndërmarrjes si tërësi kisha kërkuar që ne seancën e radhës ta kemi një raport të detajuar të veprimtarisë dhe përformances se ndërmarrjes “Pastrimi” deri në momentin kur po diskutojmë. Kompania për mendimin tim ka dështuar sidomos në menaxhimin dhe trajtimin e mbeturinave në komunën tonë shërbim ky i cili në masë të madhe është paguar me rregull nga qytetarët mirëpo nuk ka marrë në kthim shërbim të kënaqshëm. Duhet ta kemi parasysh se ke po e propozojmë në këtë komisioni nga fakti se jemi para një propozim vendimi që hap fazën e tranzicionit të këtyre shërbimeve nga ndërmarrja “Pastrimi” tek ndërmarrja e re publike lokale të cilën duhet ta formojmë sa më shpejt në të mirë të qytetarëve.

Kryesuesi kërkoj nga grupet parlamentare propozimet për formimin e Komisionit Komunal të Aksionareve për Ndërmarrjen Publike “Pastrimi”

Bekim Lestrani, grupi kuvendar i PDK-së propozon për anëtar të komisionit Malsore Cakiqi.

Azemine Bujupi-Gjoka, grupi parlamentar i DD-së propozon për anëtar të komisionit Mergim Pirrakun.

Kryesuesi hodhi në votim pikën e dytë të rendit të ditës: **2. Propozim Vendim për formimin e Komisionit Komunal të Aksionareve për Ndërmarrjen Publike “Pastrimi”** me përberje të komisionit prej 3 anëtarëve, nga ekzekutivi: Lumnije Krap nga kuvendi Malsore Cakiqi dhe Mergim Pirraku. Prezent gjatë votimit ishin 31 anëtar, **(Për)** votuan 29 anëtar, 1 kundër, dhe 1 abstenim.

Kryesuesi i Kuvendit Komunal Milaim Hajdari, hapi diskutimin për pikën e tretë të rendit të ditës: **3. Propozim Vendim për nisjen e proceduarve për themelimin e Ndërmarrjes Publike Lokale, (NPL) në Drenas .**

Drejtoresha për Shërbime publike dhe emergjente, Lumnije Krapit- në bazë të ligjit nr 04/L-111 për ndryshim të ligjit 03/L-087 për ndërmarrje publike dhe në bazë të rregullores 02/2013 mbi kriteret për krijimin e ndërmarrjes publike lokale pjesëmarrja e komunave në borde të drejtoreshave të ndërmarrjeve rajonale të ujit komuna ka të drejtën për të krijuar ndërmarrje publike lokale në pajtim me kriteret e përcaktuara me akt nënligjor të qeverisë, kriteret duhet të përfshijnë kërkesa të ndryshme për qëndrueshmëri operationale dhe financiare pra në bazë të këtyre ligjeve është kërkuar që të fillohet me procedura për formimin e ndërmarrjes komunale në Drenas që të merret vendim për nisjen e procedurave. Duke marrë parasysh rekomandimet që janë dhënë në KPF-ca hapat duhet bërë në vazhdim janë: hapi parë ose procedura e par fillestare është propozim vendimi për nisjen e procedurave për themelimin e Ndërmarrjes Publike Lokale, (NPL) në Drenas, hap tjetër është vendimi për themelimin e grupit punues për plotësimin e dokumenteve për themelimin e e ndërmarrjes publike në Drenas, hapi i tretë grupi punues që do të themelohet në kuvendin e ardhshëm detyrat e grupit punues është kompletimi i dokumentacionit për hartimin e politikave për themelimin e ndërmarrjes publike lokale në Drenas. Raportet nga grupi punues lidhur me plotësimin e dokumenteve për themelimin e ndërmarrjes publike si emërtimi i ndërmarrjes publike dhe logo-ja. Të gjitha raportet që do të hartohen nga grupi punues do të behet një kërkesë në Ministrinë e Planifikimit dhe Mjedisit Hapësinor për themelimin e ndërmarrjes publike me vendimin që do të merret sot për themelimin e ndërmarrjes lokale në Drenas, raportin për qëndrueshmëri financiare, plani i biznesit për një vit kalendarik, garancioni mbi qëndrueshmërinë financiare dhe organogrami i ndërmarrjes.

Arbër Halilaj, kushti kryesor për rritjen dhe zhvillim për prosperitetin e Drenasit është forcimi i ekonomisë dhe aktivitetet tjera shoqërore që krijohen vende pune dhe vlerë të shtuar, përmes idesë dhe projekteve të përgaditura në mënyrë kualitative ne do të mund të zgjidhim disa nga problemet dhe mangësitë e komunës tonë të rrisim cilësinë e jetës dhe të hedhim themelet për një të ardhme të qëndrueshme të komunës sonë. Sot e kemi para vetes një propozim vendim për themelimin e ndërmarrjes publike lokale që duke qenë edhe pikë programore e GRREN për Drenasin për mua është pika më e rëndësishme që e kemi diskutuar deri më tani në këtë asamble. Përkrahi idet dhe projektet e qëlluara nga kush do që realizohen do ta përkrah dhe do ta votoj këtë vendim pa hezitim duke u angazhuar me ide dhe sugjerime në qdo hap të procesit të themelimit të MPL-së. Ndërmarrja publike lokale duhet të themelohet me synimin parësor që t'i menaxhoj shërbimet komunale në mënyrë më efektive. Qëllimi duhet të jetë të zvogëlojmë sasinë e mbeturinave, të arrijmë objektivat e riciklimit të tyre si dhe të paguajmë me korrektësi për grumbullim e mbeturinave shtëpiake për sasinë e dorëzuar, duhet të të synojmë një sistem të mbyllur të menaxhimit të mbeturinave nga MPL-ja për të zvogëluar sasinë e tyre të transportuar në deponi dhe kështu të ulim kostot dhe të rritim mundësinë për shfrytëzimin e mbeturinave të klasifikuara si lëndë të parë ku duhet të bashkëpunojmë me komunitetin dhe administratorë të fshatrave. Potencoj dhe njeherit sugjeroj se gjatë procesit të themelimit të MPL-së komisionit të aksionareve, bordit dhe dokumentet tjera legale të saj të kemi parasysh zgjerimin e fushe veprimtarisë së MPL-së dhe jo kufizimit e 3-4 aktiviteteve që janë të cekura në këtë propozim vendim. Fushe veprimtaria e saj duhet të mundësoj shtimin e numrit të stafit dhe duhet të përfshij këto aktivitete: menaxhimin e mbeturinave deri në ndarjen e tyre për riciklim, aktivitetet e mirëmbajtjes dhe kujdesi ndaj shesheve parqeve dhe sipërfaqeve të gjelbëruara, menaxhimin e vend parkingjeve në pronësi të komunës, mirëmbajtjen e fondit drunor urban krasitjen e tyre,

përkujdesjen e përmendoreve brenda dhe jashtë qytetit si dhe mirëmbajtjen e varrezave të dëshmoreve, mirëmbajtja e varrezave të qytetit, shtimi i sipërfaqeve të gjelberta, kultivimin e mbjelljeve të luleve dhe drunjtëve dekorues, mirëmbajtja e rrugëve lokale riparimin dhe evitimin e gropave, pastrimi i rrugëve dimrit dhe verës me ujë, mirëmbajtja e hapësirave të përbashkëta e objekteve banesore kolektive mirëmbajtja e institucioneve publike, mirëmbajtja e ndriçimit publik, mirëmbajtja dhe menaxhimi i tregjeve, dekorimi i qytetit për festa etj. Me miratimin e këtij propozim vendimi ne i hapim rrugën që Drenasi ta ketë ndërmarrjen e vet publike e cila hap vende të reja të punës e cila ndikon drejtpërdrejt në mirëqenien socio-ekonomike të banoreve, ky vendim dëshmon qartë se kemi shumë më pak dallime se sa që mendojmë dhe me përkushtim dhe angazhim të sinqerte mund të implementojmë vendime dhe projekte në të mirë të qytetareve tanë.

Egzona Tërdevci, në emër të grupit të LVV unë deklarohej se në parim nuk jemi kundër që të themelohet një ndërmarrje lokale për menaxhimin e mbeturinave, por paraprakisht na duhet një analizë buxhetore se si pritët të përformojë kjo ndërmarrje sa do t'i kushtojë komunës tonë themelimi i saj dhe cili do të jetë impakti që do të ketë kjo ndërmarrje në buxhetin e komunës tonë. Kemi frikë se pa e analizuar mirë se nëse kjo ndërmarrje i leverdis komunës tonë në aspektin financiar ne po e ngarkojmë komunën me një ndërmarrje e cila do t'i bëhet barrë në të ardhmen. Unë propozoj në emër të grupit tonë që këtë pikë ta shtymë për një faze tjetër kur ne kemi një analizë të qartë për funksionimin e kësaj ndërmarrje lokale.

Kryetari i Komunës Ramiz Lladrovci, kërkoj që me e votua këtë pikë të rendit të ditës, nuk jemi vetëm ne se po e marrim këtë vendim janë edhe komunat tjera. Kompania nuk po funksionon, nuk mund të dërgojmë aksione diku ku na nuk marrim shërbim, komuna e ka për obligim për me e themelua kompaninë dhe ne do ta themelojmë, ndërsa për mirëmbajtjen e varrezave është agjencioni për kompleksin e memorialëve është përgjegjësi e tyre, ndërsa menaxhimin e varrezave të qytetareve sigurisht mund ta kemi edhe si fushëveprim.

Albulena Saliuki- meqë qëllimi i themelimit të ndërmarrjes publike do të jete funksionale në komunën tonë do të ndikojë në mirëmbajtjen dhe në menaxhimin sa më të mirë të hapësirave publike e shoh të nevojshëm dhe shumë të arsyeshëm që të votohet ky propozim vendim.

Pas diskutimeve që u dhanë kryesuesi hodhi në votim këtë pikë të rendit të ditës, prezent gjatë votimit ishin 29 anëtar, (Për) votuan 29 anëtar, kundër nuk pati, abstenim nuk pati.

Kryesuesi i Kuvendit Komunal Milaim Hajdari, hapi diskutimin për pikën e katërt të rendit të ditës: 4. Njoftim për Qarkoren buxhetore 2023/01, MFPT dhe Qarkorja Interne e Komunës së Drenasit.

Drejtori i Financave, Shyqiri Bublaku- i njoftoj në pika të shkurtra sa i përket qarkores buxhetore e cila qarkore i cakton kufijtë e jashtëm të buxhetit të Komunës së Drenasit për vitin 2023 dhe projeksionin e buxhetit për vitin 2024-2025. Sa i përket kufijve të parë të cilët i kemi marrë me qarkoren e parë buxhetore ju njoftoj se Komuna e Drenasit për vitin 2023 parashihet të ketë buxhet 18.154.892 € ndërsa projeksionin për vitin 2024 me shumë prej 19.421.386 € dhe projeksionin për vitin 2025 parashihet buxhet prej 20.191.418, kjo është sa i përket buxhetit dhe kufijve të jashtëm buxhetor, është një buxhet shumë më i adh se sa vitet e kaluara.

Arbër Haliaj- kërkoj një sqarim si interferon vendimit i sa po e morëm për ndërmarrjen publike lokale në projeksionet buxhetore që i ceku drejtori?

Drejtori i Financave, Shyqiri Bublaku- ky buxhet i përcakton vetëm kufijtë e jashtëm buxhetor për Komunën e Drenasit, hapat që i parashitroj drejtoresha për formimin e organizatës komunale për mbledhjen e mbeturinave i pati tetë hapa të cilët marrin kohë derisa të aprovohen dhe ne do të parashohim projeksionet për vitet 2024-2025 nuk besoj se do të kemi pengesa në hartimin e statutit rregullores aprovimit të vendimit që sapo e morët organizimin e organizatës komunale për mbledhjen e mbeturinave.

Kryetari i Komunës Ramiz Lladrovci, kjo merr kohë, ne nuk mundemi me shku me procedura të gjata, ne ndajmë buxhet për këtë qellim.

Labinot Halilaj, ligji mbi financa dhe shpenzimet publike e mundëson edhe nëse nuk ka mjete të planifikuara për një çështje të caktuar sikur se këtë që e morëm.

Kryesuesi i Kuvendit Komunal Milaim Hajdari, hapi diskutimin për pikën e pestë të rendit të ditës: **5. Propozim Vendim për rialokim të mjeteve në Drejtorinë e Shëndetësisë dhe Mirëqenies Sociale.**

Egzona Tërdevci, pati dy pyetje për Drejtorinë e Shëndetësisë Arsim Haxhiun, a mendoni se ambulanca që është aktualisht i posedon QKMF-ja janë të mjaftueshme, unë personalisht kam përvojë kur emergjenca është vonuar shumë për raste urgjente kur ne i kemi thirrur kur po ashtu ka pas raste kur pacient janë udhëzuar që me vetura private t'i drejtohen QKUK-së për shkak se QKMF-ja nuk ka pas kapacitete profesionale që t'i ofroj shërbim në QKMF-në tonë. Po ashtu kërkoj një sqarim lidhur me pajisjet që do të blihen me shumën prej 140 mijë euro e kam shikuar që është pajisje për rëngën por kërkoj sqarim se për çfarë pasojë saktë bëhet fjalë, meqë keni konsideruar se pajisjet e tilla janë më të nevojshme se autoambulanca. A mundemi me ditë se kur do të hapet thirrja tjetër për subvencione në fushën e shëndetësisë përkatësisht për organizatat që ofrojnë ndihmë për personat me nevoja të veçanta, e kemi kërkesë nga HANDIKOS që ta drejtojmë këtë pyetje tek ju, meqë i kam shikuar dokumentet të faqja e komunës mirëpo një thirrje të tillë nuk e keni publikuar ende.

Kryetari i Komunës Ramiz Lladrovci, asnjë shqetësim që e ngrite nuk lidhet me piken e rendit të ditës, e ceke që është për blerjen e pajisjeve rëngën pra është destinim nga mjetet për mos me bërë blerje dy vjeqare me e bërë një vjeçare mjetet që janë të parapamë për autoambulanca me i kalu për këto pajisje moderne të cilat hyjnë në shërbim të qytetareve. Sa i përket shërbimeve që qytetarët orientohen ose kërkohen me shku me makina të veta, asnjë qytetar që ka nevojë emergjente me e dërgua në QKUK nuk shkon me makinë të veten shkon me autoambulancë, gjithë qytetarët që kanë nevojë i dërgojnë me autoambulanca. Shqetësimet e tjera mundeni me i ngrit të pika tek të ndryshmet.

Mehedin Salihu, qka nënkupton me pajisje specifike, unë e kam të qarte mirëpo është mirë me e sqaru për opinionin, autoambulanca kemi mirëpo nuk janë me standarde ose shumica nuk janë me standarde kështu që edhe për autoambulanca është nevoja.

Drejtori i shëndetësisë Arsim Haxhiu, propozim vendimi është një kërkesë që ka ardh përmes një shkresë të këshillit profesional të qendrës kryesore të mjekësisë familjare e cila kërkon vetëm rialokim të mjeteve në kuadër të mjeteve dhe shpenzimeve që i ka kujdesi parësor shëndetësor në projektin e pajisjeve mjekësore i cili është në kuadër të planit dhe zhvillimit komunal strategjik të kujdesit parësor shëndetësor të gjashtë pikave të saj të cilat pika duhet të kenë kujdes në çështjen e zhvillimit të përgjithshëm bazike shëndetësore duke

marrë parasysh se duhet të plotësojmë tri lloj kriteresh duhet ti plotësojmë qind për qind kriteret bazike, duhet të plotësojmë së paku 70% të kriterëve optimale dhe 40% të kriterëve të se ardhmes, ky projekt qëllimi i vetëm i saj është të plotësohet me buxhet në mënyrë që të behet projekt një vjeçar dhe jo dy vjeçar. Ndërsa sa i përket kapacitete të autoambulancave për momentin janë të mjaftueshme për këtë vit, jemi në fazën e planifikimit të buxhetit për vitin e ardhshëm.

Pas diskutimeve që u dhanë kryesuesi hodhi në votim këtë pikë të rendit të ditës, prezent gjatë votimit ishin 27 anëtar, **(Për)** votuan 27 anëtar, kundër nuk pati, abstenim nuk pati.

Kryesuesi i Kuvendit Komunal Milaim Hajdari, hapi diskutimin për pikën e gjashtë të rendit të ditës: **6. Propozim Vendim për ndërrimin e destinimit të tokës bujqësore në tokë ndërtimore.**

Arbër Haliaj- para vetes kemi një kërkesë për ndërrimin e destinimit të tokës bujqësore në tokë ndërtimore, pavarësisht se kërkesa është tejet e paqartë në formulim dhe në konstatimin e parashtruesit të kërkesës ne duhet që ta shqyrtojmë me vëmendje, udhëzimi administrativ nr.41/2006 për ndërrimin e destinimit të tokës bujqësore në neni 1 Për mbrojtjen e tokës bujqësore si pasuri kombëtare me interes të përgjithshëm është përcaktuar që ajo mund të shfrytëzohet vetëm për qëllime bujqësore. Përkrahimisht ajo mund të shfrytëzohet për qëllime tjera vetëm kur kjo është përcaktuar me Ligjin për Tokën Bujqësore. Udhëzimet Administrative të nxjerra sipas tij dhe Ligjit për Planifikim Hapësinor. Pra token bujqësore e konsideron pasuri kombëtare.

Neni 2 pika 2.1 nen a) Ndërrimi i destinimit – Nënkuptohej nëse toka më nuk shërben për qëllime bujqësore për shkak të ndërrimit të shfrytëzimit të tokës. Ndërtimi i objekteve të cilat shfrytëzohen për prodhimtari bujqësore do të konsiderohen si ndërrim destinimi. Pra vetëm ndërtimi i objekteve bujqësore, jo restorante, shkolla private, objekte fetare, depove tregtare etj do të konsiderohet si ndërrim destinimi siç e kemi edhe kërkesën e parashtruar por i cili nuk paraqet një projekt të kompletuar që e arsyeton ndërrimin e destinimit çka pëson pas atij vendimi eventual. Ky propozim vendim është i mangët me informata përcjellëse. Kërkoj që kryesuesi të na siguroj për seancën e radhës një listë me proat që janë dhënë në shfrytëzim ose iu është ndërruar destinimi e janë shfrytëzuar për qëllimin apo investimin në të cilën janë kërkuar, pra cila pronë kujt iu është dhënë dhe qëllimi për çka përdoret tani pas ndërrimit të destinimit. Ndërrimi i destinimit të tokës bujqësore dhe tokave pyjore kërkon leje të veçantë nëse toka përkatëse bujqësore gjendet jashtë kufijve të planit hapësinor.

Neni 3. Procedura administrative për ndërrim të destinimit fillon me kërkesën shkruar dhe të nënshkruar të parashtruesit të kërkesës. Kërkesa dorëzohet në komunë në të cilën gjendet toka bujqësore përkatëse dhe i drejtohet organit përgjegjës për planifikim.

Parashtruesi i kërkesës për ndërrimin e destinimit duhet të paraqes informatat dhe dokumentacionin si vijon:

a) Planin e lokacionit në përpjesëtim 1/500;

b) Pozitën dhe numrin e parcelave dhe ndërtesave të afërta;

c) Dëshminë e pronësisë, përmes certifikatës së pronësisë nga regjistri i të drejtave në pronën e paluajtshme ose dëshminë e të drejtës së shfrytëzimit të tokës, përmes pëlqimit të pronarëve ose kontratës që i mundëson parashtruesit të kërkesës të bëjë kërkesë për ndërrim të destinimi;

d) Përshkrimi i hollësishme e projektit, përfshirë kërkesat që kanë të bëjnë me ujin, rrymën elektrike, lidhjet e kanalizimit dhe vlerësimin e ndikimit në mjedis si dhe sistemet e afërta të ujitjes;

e) Deklarata komunale për lidhjen e mundshme në infrastrukturën teknike;

f. Parashtruesi i kërkesës do të deklaroj se ndërtimi i propozuar duhet të bëhet në lokacionin për të cilin ka parashtrua kërkesë pasi që ajo tokë nuk shfrytëzohet për bujqësi dhe/ose nuk ka tokë bujqësore të klasës më të ulët se toka për të cilën është kërkuar ndërrimi i destinimit ose ajo nuk është e përshtatshme për ndërtim;

g) Në rast të kërkesës për ndërrim të përkohshëm të destinimit, duhet të dorëzohet projekti për ri-kultivim, sipas Udhëzimit Administrativ për Ri-kultivim të Tokës Bujqësore.

Dokumentet e kërkuara sipas paragrafit 3 Pikat a), c), d) dhe g) të këtij neni, duhet të dorëzohen në tri kopje. Pra shkak i kërkesës se mangët me dokumente sipas nenit 3 unë e kam të pamundur të aprovoj kërkesa të tilla të pa kompletuara kështu që do të votoj kundër me kërkesën shtesë që kjo pike e rendit të ditës të bartet në seancat e radhës.

Kryetari i Komunës Ramiz Lladrovci, kërkesa për ndërrim destinim të pronës, prona destinimi i cili nuk iu ka ndërruar prej vitit 74 ka qene një pronë e cila u përdor si objekt ndërtimor gurore gjatë kohës kur u shtrua rruga Drenas-Skenderaj, prandaj kemi pas edhe probleme me kërkesin e lejes për shkak sepse në dokumente na del se është pronë bujqësore e kategorisë së tretë dhe pas verifikimit të situatës dhe dokumenteve që i kemi ne e kemi sjellë në kuvend për me ia ndërru destinimin pronës sepse kjo pronë prej vite është pronë ndërtimore, qëllimi se ka kërkon kërkesi ose pronari i pronës me ndërtua është çështje e tij personale, janë procedura tjera pas kësaj, por ne kërkojmë që të lejohet ndërrimi, ju ftoj ta votoni për destinimin e kësaj prone.

Arbër Haliaj- pavarësisht kush e ka parashtrur kërkesën unë jam për këso investime mirëpo që të mos krijohet procedonte kërkoj që të jetë dokumentacioni i kompletuar siç po e kërkon neni 3, unë nuk e kam parë që është i kompletuar në atë mënyrë siç po kërkohej në nenin 3 të udhëzimit për ndërrim të destinimit.

Egzona Tërdevci, i kemi disa paqartësi lidhur me pikën në fjalë, fillimisht mungon ortofoto për çështjen në fjalë, është paraqit vetëm një skice për neve që nuk jemi nga fusha e ndërtimtarisë nuk i kuptojmë kish qenë e nevojshme me pas edhe një ortofoto me pas se si duket vërtetë prona, pati edhe disa pyetje tjera: a është bërë vlerësimi i bonitetit të tokës, a është konstatuar se gjendja e tokës është vërtetë siç përshkruhet në kërkesën e parashtruesit, si dhe në bazë të parashtruesit të kërkesës është jashtë planit hapësinor, a është dhënë pëlqimi urbanistik për ndërrimin e destinimit të përdorimit të kësaj toke, është dashur të na sjellët edhe vlerësimi i tokës që parashtruesi i referohet që e ka marrë nga një laborator me ekspert të bujqësisë, po ashtu na duhen sqarime nëse vërtetë është vizituar dhe është vlerësuar në teren nga ekspertet komunal kjo tokë siç ka thënë z.Bazaj po vlerësoni nga shpati.

Kryetari i Komunës Ramiz Lladrovci, gjitha të dhënat i keni në propozim vendim ju ftoj ta votoni.

Mehedin Salihu, nuk e di si ka mbet ajo tokë bujqësore që hiq nuk ka lidhje me bujqësi, është një vend kodrinor, dhe se di pse po e diskutojmë kaq gjatë.

Pas diskutimeve që u dhanë kryesuesi hodhi në votim këtë pikë të rendit të ditës, prezent gjatë votimit ishin 29 anëtar, (Për) votuan 22 anëtar, 5-kundër, 2-abstenim.

Kryesuesi i Kuvendit Komunal Milaim Hajdari, hapi diskutimin për pikën e shtatë të rendit të ditës: **7.Raport lidhur me mbarëvajtjen e projektit "Komuna për të rinjtë" në Komunën e Drenasit.**

Meqë nuk pati diskutime, kryesuesi hapi diskutimin për pikën e tetë të rendit të ditës:

8. Propozim Vendim për shfuqizimin e vendimeve 02 Nr.400/01-13247 dhe 02 Nr.400/01-13251,të datës 24.03.2022.

Drejtori i Financave, Shyqiri Bublaku- i njoftoj se projektet te cilat janë paraparë në buxhetin e vitit 2022 në këto dy drejtori kanë kaluar në rezerve buxhetore për shkak se natyra e emërtimit të projektit ka pas të bëjë me mallra dhe shërbime dhe kjo ka mbet ne rezerve buxhetore, drejtoritë të cilat nuk munden me i shfrytëzua projektet të cilat i kanë paraparë kanë kërkuar se këto të barten në mallra dhe shërbime mirëpo MAPL-ja ka kërkuar që këto projekte të mbesin prape si rezerve buxhetore dhe mos të barten ne mallra dhe shërbime.

Pas sqarimit që u dha nga drejtori, kryesuesi hodhi në votim këtë pikë të rendit të ditës, prezent gjatë votimit ishin 21 anëtar, **(Për)** votuan 17 anëtar, 0-kundër, 4-abstenim.

Kryesuesi i Kuvendit Komunal Milaim Hajdari, hapi diskutimin për pikën e nëntë të rendit të ditës: 9. Propozim-vendimi për Shfuqizimin e Vendimit Nr. 02-035-18372 të datës 27.04.2022

Meqë nuk pati diskutime, vërejtje apo sugjerime kryesuesi hodhi në votim këtë pikë të rendit të ditës: prezent gjatë votimit ishin 27 anëtar, **(Për)** votuan 27 anëtar, 0-kundër, 0-abstenim.

Kryesuesi i Kuvendit Komunal Milaim Hajdari, hapi diskutimin për pikën e dhjetë të rendit të ditës: **10. Diskutimi i Raportit të Sistemit të Menaxhimit të Përformancës të vitit 2020 Drenasit.**

Egzona Tërdevci, të grandit i përformances të dokumenti që është për demosin e kam shikuar iu ka kërkuar një sqarim për projektet që doni me i realizua, a mund ta dimë se cilat projekte synohen të realizohen përmes mjeteve që i keni fituar nga grandit i përformances, po ashtu ditën kur e keni marrë rezultatin nga MAPL-ja në postimin që e keni bërë në facebook keni thënë se llogaritni si komuna e tretë për përformancë me arsyetimin se janë dy faktor që kanë ndikuar për t'i humbur piket tjera, sipas jush dy faktorët që kane ndikuar që t'i humbim piket tjera nga vlerësimi i përformances është mungesa e transmetimit online të seancave për shkak të covid-it si dhe mos dalja e zyrtareve tatimor në vendin e ngjarjes. Nga tabela që na keni dërguar si material prej këtyre dy faktorëve i keni humbur 11 pikë mirëpo janë 19 pikë të humbura në elemente tjera, keni humbur pikë nga diskutimi i gjetjeve të raporteve të jashtëm dhe të brendshëm i auditimit 2 pikë, nga raportimi i kryetarit para kuvendit komunal 1 pikë, nga pjesëmarrja e qytetareve në diskutime publike 1 pikë, nga aktet komunale dhe dokumentet e politikave lokale të konsultuar me publikun 3 pikë, nga publikimi i raporteve për konsultime publike janë humbur 4 pikë, nga çështje të auditimit të adresuara sipas raportetve e ZKA-së janë humbur 4 pikë si dhe për shkak të mungesës se planeve rregulluese të hollësishme janë humbur 3 pikë, për herëve të tjera duhet të jemi më të kujdesshëm ku kemi marrë vlerësim negativ në mënyrë që t'i fitojmë të gjitha piket.

Kryetari i Komunës Ramiz Lladrovci, unë e kam bërë edhe sqarimin për opinionin ne 100% as nuk i kemi arrit as nuk mundemi me i arrit, janë dy çështje njëra me takon mua tjetra i takon zyrës se tatimit pra janë përgjegjësi e jona, nëse nuk i kemi arrit 100% i kemi arrit pra 80%. Ne i kemi dërguar kërkesat tona në ministri janë aprovu në projektet të cilat kemi me i shfrytëzua këto mjete, të cilat janë projekte gjithëpërfshirëse për qytetaret.

Pas këtyre diskutimeve kryesuesi e hapi diskutimin për piken e njëmbëdhjetë të rendit të ditës: **11. Të ndryshme.**

Filloreta Bujupi, pyeti Drejtorin e Shëndetësisë çka është në pyetje që nuk ka shofer në QKMF në Komoran por duhet pacienti me prit derisa tekniku ta jep infuzionin për me e dërgu transportin për Prishtinë?

Drejtori i Shëndetësisë-Arsim Haxhiu, numri i certifikuar prej 180 punëtorëve nuk lejon, por lejon që në të ardhmen puna me trajnime puna shtesë e mjekeve infermiereve të jetë punë përbërëse e një shërbimi emergjent ku do të ketë patentë shoferin trajnime vozitjes etj. Ne tani kemi plotësuar numrin qind për qind e mjekeve dhe infermiereve me numrin e banoreve. Kjo është çështja që është paraparë edhe në ligjin e emergjencave është e paraparë edhe në udhëzimin administrativ 04/2020 në këtë drejtim jemi në kuadër të planit.

Egzona Tërdevci, kur do të hapet thirrja për subvencione në fushën e shëndetësisë përkatësisht për organizata që ofrojnë ndihmë për persona me nevoja të veçanta? Lexoj një kërkesë që e ka parashtruar një qytetar i komunës, këtë kërkesë e ka parashtruar qysh nga dt. 28.02.2022 por akoma nuk ka marrë përgjigjeje. Kërkesë nga Sabri Gashani nga fshati Terstenik punëtor në Feronikel po tani jemi në pushim të detyrueshëm arsyeja e ndaljes së punës në këtë kompleks, gruaja ime Zyrafete Gashani është e sëmurë dhe i duhet tri herë në javë të shkoj në Prishtinë për dializë ku këtë sëmundje e ka tash e 22 vite, si pasojë e gjendjes së renduar të saj ne që një vit ne familjaret e saj, po na duhet me dërgua me veturë në spital për dializë sepse nuk po mundet ta përballoj udhëtimin me kombibusin e organizuar nga komuna, çmimi i karburanteve është rritur shumë dhe punën në Feronikel e kemi ndërprerë arsyeja vetëm dihen, kërkoj nga drejtoria për shëndetësi të gjej një formë dhe të më ndihmoj në kompensim të karburanteve apo në çfarë do forme tjetër të ndihmës, gruan e kam pothuajse të palëvizshme, nuk mund të ec pa ndihmën e diku na duhet gjithsesi dy veta ta dërgojmë në tretman prandaj nuk kemi zgjidhje tjetër vetëm se ta dërgojmë me veturë private, besoj që kjo kërkesë të shqyrtohet dhe të aprovohet.

Drejtori i Shëndetësisë Arsim Haxhiu, shërbimet e hëm dializës janë të kontraktuara dhe ajo kontratë ka një menaxher kontrate, dhe kjo nuk është hera e parë që ka bërë kërkesë, ne e kemi transportuar, transporti është në dispozicion mirëpo vazhdimisht ka kërkesa shtesë, drejtoria përmes kantatës i ka të përcaktuara, ne kemi pas raste kur edhe pacienti ka qenë në shtat por e ka marrë transportuesi çoftë edhe për një rast të vetëm, prandaj personi në fjalë duhet t'i drejtohet menaxherit dhe jo drejtorisë. Sa i përket subvencioneve ne jemi në përfundim e sipër dhe analizë e sipër të shërbimeve ku i kemi disa shërbime në kuadër të shërbimit parësor shëndetësor por në grupacione të ndryshme dhe nëse e shohim se ka nevojë do ta shpallim ku do të përfshihen edhe personat me aftësi të kufizuara.

Mehedin Salihu- para dy dite ka ndërruar jetë një punëtor në QKMF, por për fat të keq as faqja e komunës mirëpo as këtu nuk u mbajt një minutë heshtje, kërkoj nga ju një minutë heshtje për nder të veprës dhe jetës së teknikut Hysen Krasniqi.

Mergim Pirraku- pyeti për Drejtorinë për Kulturë Rini dhe Sport pse qyteti jonë nuk ka trup teatrore, dhe 80 % e qyteteve tjera pothuajse kanë trup teatrore, jemi në vitin 2022 dhe ende nuk ka as edhe një iniciativë me pas një trup teatrore kur e dina se qyteti jonë ka aktor, regjisor skenarist jo vetëm të dëshmuar vetëm në Kosovë por edhe në arenën ndërkombëtare. Pyetja tjetër jam anëtar i një klubi të shahut në Drenas, qyteti e ka pas një klub të shahut i cili është themeluar mbi 40 vjet dhe ka pasur suksese brenda Kosovës para tri viteve për shkak të

mos financimit, ai klub ka qenë afër 10 vjet duke e financuar vet aktivitetet tona që i kemi pas, dhe para tri viteve ai klub është shuajt. Një klub tjetër i cili është po ashtu i shahut në Drenas quhet klubi i Drenasit për shahun fillon garat në javën e ardhshme për shkak të mjeteve nuk po mundet me pagu kuatizimin që e ka detyrim nga federata e shahut, a mundeni ju me marr si kërkesë nga ana ime që me e përkrah atë klub që mos të shuhet sepse unë konsideroj se është shumë me rendësi.

Kryetari i Komunës Ramiz Lladrovci, sa i përket teatrit amator ne jemi çdo ditë të gatshëm me e bërë me ato kushte dhe mundësi që i kemi, teatër profesional e kanë të lejuara vetëm 6 komuna, ne nuk mundemi me pas teatër profesional nuk na lejohen mjete nga niveli qendror për atë qellim. Sa i përket klubit të shahut nuk është se ne nuk i kemi financu apo nuk i kemi ndihmuar.

Mergim Pirraku- unë e kam lexuar ligjin për themelimin e tatarëve, unë po e bëj si kërkesë, procedura ishte e shumë e thjeshtë, vetëm duhet me e bërë një kërkesë nga drejtoria përkatëse dhe financimin krejt po e mbulojke Ministria për Kulturë Rini dhe Sport, komuna nuk ngarkohet me asnjë mjet.

Kryetari i Komunës Ramiz Lladrovci, ne kemi bërë kërkesa ndërsa përgjigjja ka qenë nuk lejohet për komunën tonë, është marrë një vendim për disa komuna lejohet për teatër profesional ndërsa teatër amator mundemi me e bërë kur të doni mirëpo ata dojnë me paga dhe nuk kemi asnjë mundësi për këtë çështje.

Azmine Bujupi-Gjoka, kam dy pyete për Drejtorinë e Arsimit Muhamet Gjoka, cila është arsyeja e mos realizimit të transportit dhe shujtës ditore për nxënësit e shkollës së mesme profesionale "Fehmi Lladrovci" për realizimin e pjesës praktike në lenden profesionale? Pse plan programet mësimore dhe marrëveshja me pronaret e bizneseve ishin kryer me kohë nga ana e mësimdhënësve dhe stafit udhëheqës por kjo gjë nuk ndodhi ashtu siç është e planifikuar dhe ministria për këtë qellim ka dhënë subvencion me vlerë prej 77 mijë euro për realizimin e pjesës praktikë për nxënësit e shkollës profesionale ndërsa mësimdhënësit kanë kërkuar nga 4 euro nxënësve për një vazit ditore si e komentoni këtë? Na sqaroni pse nuk u realizua ai projekt dhe çfarë do të bëni me këto mjete pasi që nuk u shfrytëzuan nga për vitin 2021-2022 ashtu siç paraparë me herët.

Drejtori i Arsimit Muhamet Gjoka- sa i përket kërkesës tuaj ju njoftoj se ka qenë në procedure të prokurimit dhe për arsye të papërgjegjshmërisë të operatoreve për çështje teknike është anuluar dhe është rishpallë, ju njoftoj se kontrata është lidhë e kemi në dispozicion dhe mund të planifikohet, kjo kontratë është kontratë kornizë dhe mund ta shfrytëzojmë edhe viteve tjera. Mjetet janë të planifikuara nga kategoria mallra dhe shërbime ne varësisht nga kërkesat që vijnë dhe sigurisht se kemi me e menaxhu buxhetin e paraparë për këtë aktivitet varësisht prej shpenzimeve që behën do ta planifikojmë.

Azmine Bujupi-Gjoka, kjo beso se nuk mund të realizohen më për arsye kanë mbet edhe dy jave mësim dhe tani është vetëm vlerësimi i nxënësve, mirëpo a është dashur me e bërë një planifikim qysh në muajin tetor në fillim të vitit shkollor dhe kjo beso se duhet me ndodh vitin tjetër.

Drejtori i Arsimit Muhamet Gjoka- këtë vit për çështje teknike nuk është realizuar, mirëpo pajtohem me atë se tani vetëm është lidh kontrata dhe e kemi të planifikuar tani mbetet

planifikimin e mësimdhënësve me bizneset të cilat kemi marrëveshje dmth vetëm agjenda mund të përcaktohet sepse me nuk kemi nevojë për procedura tjera.

Mehedin Salihu- i falënderoj ekipin e emergjencës në QKMF-në në Drenas të cilët e kanë kthyer në jetë një fëmijë 11 vjeçar që e kishte zënë rryma.


Valentina Leku, kam disa kërkesa nga administrata e fshatit Llapushnik me primare është asfaltimi dhe rregullimi i ujerave të zeza pran shkollës, dhe çka ka ndodh në lagjen Tahiraj në fshatin Llapushnik varrezat kanë qenë pronë publike ndërsa me letra tani figuron se është pronë private kërkoj një sqarim? Një segment mes rrugës “Zeqir Bajrami” dhe “Nasip Maliqi” tek mbi kalimi me gjatësi prej 60 m është një vend që duhet të i asfaltohet dhe të behet rrethoja pasi që paraqet një rrezik për nxënësit që kalojnë në atë vend. Kërkoj që të asfaltohet rruga prej 100 m që lidh dy rrugë, rruga “Zeqir Bajrami” dhe “Beteja e Llapushnikut” Gjithashtu administrata e fshatit Llapushnik kërkojnë një bashkëpunim më të mirë dhe të jeni me bashkëpunues drejtoritë përkatëse sepse ata janë legjitim në atë vend dhe i njohin problemet e banoreve nga afër.

Nënkryetari i Komunës Arben Shala- sa i përket kërkesave të administratorit të fshatit janë të lirë dhe kanë has gjithmonë mirëkuptim në paraqitjen e kërkesave të tyre, ndërsa sa i përket kanalizimit të ujerave të zeza ka pas një problem ka pas pengesa gjatë punimeve dhe për atë arsye operatori është tërheq dhe besoj se kjo çështje do të zgjidhet dhe do të vazhdojmë tutje.

Pasi nuk pati diskutime të tjera kryesuesi e konsideroj të mbyllur seancën, seanca përfundoj rreth orës 12:55 min .

Me gjerësisht, mbledhjen e rregullt të Kuvendit të Komunës së Drenasit të datës 30.06.2022 mund të ndiqni në ueb faqen zyrtare të komunës, rrjetin social të Facebook-ut dhe në kanalin YouTube.

Procesmbajtëse:


Liridona Fejza-Ajazi



Kryesuesi i Kuvendit Komunal

Milajm Hajdari

REPUBLIKA E KOSOVES		
KOMUNA GLOGOC		
GLOGOC MUNICIPALITY		
Pranuar	17.06	2022
Nj. Gje		Vlera
02-060/03-28463		



REPUBLIKA E KOSOVËS
Komuna e Drenasit
Zyra e Kuvendit



Rekomandimet e dhëna nga Komiteti për Politikë dhe Financa në mbledhjen e rregullt të mbajtur me datë 17.06.2022, si vijon:

Pasi kryesuesi përshëndeti të pranishmit njoftoi anëtarët e KPF-ca, për rendin e ditës, dhe i njoftoi anëtarët e KPF-së se kemi edhe dy pika shtesë për rendin e ditës:

1. Raporti i zbatimit të Planit zhvillimor Komunal 2020-2028.
2. Raporti i auditimit të Komunës së Glogocit për vitin financiar të përfunduar më 31, dhjetor 2021.

Pasi që nuk pati diskutime vërejtje apo sugjerime tjera për rendin e ditës kryesuesi hodhi në votim rendin e ditës dhe votuan me: 07 vota (për), abstenim 0, kundër 0.

1. **Procesverbali i mbledhjes së Komitetit për Politikë dhe Financa i mbajtur më dt. 20.05.2022.**

- Nuk pati diskutime, vërejtje apo sugjerime, dhe kaloi me vota unanime.

2. **Propozim Vendim për Kornizën afatmesme buxhetore 2023-2025.**

- Edhe kjo pikë e rendit të ditës u rekomandua për kuvend në mënyrë unanime nga gjithë anëtarët e KPF-se.

3. **Propozim Vendim për plotësim ndryshimin e Statutit Nr. 12-060/05-14928, të datës 30.04.2020, për Ndërmarrjen Publike Lokale "Stacioni i autobusëve" SHA në Drenas-Glogoc.**

- U rekomandua për kuvend në mënyrë unanime nga gjithë anëtarët e KPF-se.

4. **Propozim Vendim për miratimin e Hartës Zonale të Komunës së Glogocit për periudhën, 2022-2030.**

Pas diskutimeve edhe kjo pikë e rendit të ditës u rekomandua për kuvend ku u votua; **Për 3, Kundër 2, Abstenim 1** nga anëtarët e KPF-se, dhe kërkuan material shtesë për mbarëvajtjen e Hartës zonale për këtë pikë të rendit të ditës për mbledhjen e kuvendit.

5. **Raporti i zbatimit të Planit zhvillimor Komunal 2020-2028.**

Nuk pati diskutime, vërejtje apo sugjerime, dhe kaloi me **6.vota Për, 0Kundër, 0Abstenim**

6. Raporti i auditimit të Komunës së Glogocit për vitin financiar të përfunduar më 31, dhjetor 2021.

Edhe kjo pikë e rendit të ditës u rekomandua për kuvend.

7. **Të ndryshme.**

Pasi nuk pati diskutime mbledhja përfundoi në ora 11:00.



Kryesuesi Kuvendit
Milaim Hajdari